

**ԵՍԱՊԱՇՏՈՒԹՅՈՒՆԸ, ԿՅԱՆԻ ԻՄԱՍՏԱՎՈՐՄԱՆ
ՓԻԼԻՍՈՓԱՅՈՒԹՅՈՒՆԸ ԵՎ ԲԱԶԵՆՅԱՆԱԿԱՆ ՏԻՊԸ**

Նար-Ղոսը ստեղծագործում էր այնպիսի դարաշրջանում, երբ բուրժուական հասարակության մեջ սրված էին մարդկային հարաբերությունները, ինչը չէր կարող վրիպել արվեստագետի սրատես աչքից: Նա հոգեբանական նուրբ զգացողությամբ, գրական մեծ վարպետությամբ կարողացավ ստեղծել այնպիսի գործեր, որոնցում արտացոլված է ոչ միայն դարի պատկերը, այլ նաև իր վերաբերմունքը դեպի այդ աշխարհը, դեպի իրականությունը, մարդկային արատավոր բարքերը, դրանց բեկունը հասարակության և անհատների հոգեբանության մեջ: Չէ՞ որ մարդը որպես անհատ կազմավերվում է այդ հասարակության մեջ՝ իր երևակայությամբ, պատկերացմամբ ու աշխարհըմբռնմամբ, որոնց ձևավորմանը նպաստում են հաև միջավայրը, դաստիարակությունը: Առաջնայինն այստեղ պետք է համարել անհատի մտածելակերպը, որը նրան հնարավորություն է տալիս կողմնորոշվելու, միջավայրում իր դիրքը գրավելու: Սարդն ինքը պիտի ստեղծի իր համար որոշակի սահմաններ և ըստ այդմ գործի, որովհետև «տարբեր բնական հակումներն ու կենսապայմանները պահանջում են ինչպես տարբեր ոգեղեն-բարոյական դիետա»:¹

Նար-Ղոսի երկերում հանդիպում են միևնույն սոցիալական դասին պատկանող, սակայն տարբեր բնավորություն ու հակումներ ունեցող անձինք, տարբեր հասարակության տեղ անհատներ, որոնցից յուրաքանչյուրն ունի որոշակի աշխարհայացք, գիտակցում է իր արարքը: Ասենք նաև այն, որ պատահում ենք այնպիսի կերպարների, որոնց համար դժվար է գիտակցել իրենց արարքը, ինչը և դառնում է ճանաչման կարևոր չափանիշը: Դեռևս Արիստոտելն էր մարդու ճանաչման հիմքում դնում նրա արարքը: Իհարկե, այստեղ գործ ունենք բնագոյային և գիտակցական արարքի հետ, որովհետև վերջինի դեպքում մարդ կարող է գիտակցել ու վերլուծել իր մեջ կատարվածը, պարփակվել կամ ցույց տալ այն, ինչը հարկավոր է, իսկ առաջինի դեպքում վերանում են անհատի սոցիալ- հոգեբանական գործոնները, երևան հանելով մարդու «բաց» հոգին: Ճշմարիտ էությունը: Այստեղ նա ի գործու չէ թաքցնել իր եսը:

Արարքը բացատրվում է նաև հակադրության մեջ ղեկավարվող հերոսներին կամ զուգահեռ անցկացնելով նրանց մեջ: Օրինակ, Նար-Ղոսի մոտ հանդիպում ենք անձնվեր, գործունյա, մյուս կողմից, կյանքից դուրս մնացած կերպարների, որոնք փորձում են հասնել սեփական անձի երանությանը՝ մտածելով միայն անհատական բարօրության մասին, ինչը հաստատում է եսասիրությունը, որը

¹ Ռ Շտայներ, Ազատության փիլիսոփայություն, Ե., 1938, էջ. 135:

խորապես արմատավորված է նրանց մեջ՝ «ամեն ինչ ինձ համար և ոչին ուրիշին»։ Շատ ճշմարիտ է բնորոշում Շոպենհաուերը այդպիսի մարդկանց եսապաշտությունը՝ «Ես և էգոիզմը - դա նույնն է»², և եթե վերանում է վերջինը, անհետանում է նաև առաջինը։

Ընդհանրապես Շոպենհաուերը տարբերակում է էգոիզմի երկու աստիճան, էգոիզմ, որը միայն իր սեփական բարօրությանն է ձգտում, և էգոիզմ, որին ուրախություն է պատճառում ուրիշի դժբախտությունը։

Եթե անդրադառանաք Նար-Դոսի հերոսներին, կպարզվի, որ առաջին շարքին պատկանող հերոսները մտածում են այն բանի մասին, թե ինչպես կարող են հաճույք պատճառել իրենց իրենց, քաղում են կյանքից այն, ինչ կարող են և երբեք չեն հրաժարվում օգտվել ձեռք բերվելիք վայելքներից, որովհետև նրանց ըմբռնմամբ (Թուսյան, Բագենյան) «...կյանքը թույլտված է և հաճույք է և հաճույքով թույլտված է մի շարահատ շղթա, մինչև որ կգա անխուսափելի սահմանը, որից դենն արդեն Նիրվանայի թագավորությունն է»³։

Նրանց մեջ բացակայում է հեռանկարը, ապրում են այսօրվա կյանքով և «Ներկայացնում են այն խավը, որին բնորոշ է անհեռանկարայնությունը և անկումայնությունը, նրանք ավելորդ մարդիկ են։ Եվ սրանով էլ այս կերպարները դառնում են իրենց իրականությունը ներկայացնող ինքնընտրյալ մոդելներ, քանի որ նրանց ծնող սոցիալ-տնտեսական ֆորմացիային միշտ էլ բնորոշ է հավելյալ գոյությունների փաստը»⁴։ Իսկ ապագայի մասին խոսք չիսել չի կարող և ինչու մտածել, քանի որ կա մահ։ Ընդհակառակը, «Մահվան գաղափարը խելացի մարդու համար մեծ խթան պետք է լինի ամեն բան անելու... ինչը որ կարող է հաճույք պատճառել»։ Վերոհիշյալ հատկություններով օժտված Թուսյանը («Սպանված աղավին») զարգացրել է իր երևակայությունը էպիկուրյան փիլիսոփայության մեկնաբանությամբ։ Նրա տեսակետը ավելի համապատասխանում է կիրենական դպրոցի հիմնադրիների կարծիքին, որոնք պնդում էին, որ հաճույքը բխում է զգացմունքների բավականությունից և մարդ պետք է ձգտի ավելի շատ ստանալ այդ բավականությունը։ Այսինքն, մարդու հիմնական նպատակը պետք է ուղղված լինի այն կետին, թե ինչպես իր կայանքը լցնի հաճույքներով ու վայելքներով։

Իսկ ըստ էպիկուրի՝ հաճույքը գոյություն ունի տառապանքի բացակայության դեպքում միայն, որովհետև հաճախ մեծ բավականություն ենք զգում, արդյունքում մեծ ցավ ապրելով կամ պատճառելով։ Միայն ինչպիսի խաղ է խաղացել Թուսյանը Սառայի հետ, որը անարգված է համարում իր պատիվը, տառապում այն բանի համար, որ անկեղծորեն սիրել է ու տրվել մի

² P. Шопенгауер, Мир как воля и представление, Минск, 1998, стр. 466

³ Նար-Դոս, Երկերի ժողովածու հատոր 1, Ե., 1989 էջ 594

⁴ Վ. Սաֆարյան, Գրողի և կերպարի անհատականությունը, Ե., 2001, էջ 212

անճնավորության, որը ցինիկության մարմնավորումն է: Ինչ-որ տեղ կարծես մեղադրելի չէ Թուսյանի արարքը, եթե այն համեմատենք իր հաջորդ, ավելի կատարելագործված տիպի՝ Բազենյանի հետ, որովհետև նա իրոք տվյալ պահին սիրել է և երբեք նպատակ չի ունեցել խաբելու իսկ Բազենյանը հատուկ դիտավորությամբ փորձում է զայրակղել մի նուրբ կամացի սիրտ, քնքուշ ու վեհ զգացմունքներով հարուստ մի էակի, որի համար հանդուրժելի չէ դիմացինի հասցրած վիրավորանքը: Այստեղ է, որ մարդը մանրամուտ ու անեանում է որպես գոյություն, հասարակության համար դառնալով կատարյալ փորձանք:

Այդ իսկ պատճառով պետք է հայացքը միշտ ուղղես արարքիդ հետևանքների ճիշտ ընկալմանը, որովհետև հակառակ ըմբռնունք կարող է վնասել թե սեփական անձիդ, և թե այլոց: Ըստ նրա կա հաճույքի երկու կարգ անխռով հոգի և տառապանքի պակաս ու ազատություն: Իսկ ե՞րբ է մարդը ազատ, երբ ազատ գործելու դեպքում էլ չի անտեսում բարոյական նորմերը:

Ա. Ֆրանսը ևս բարոյականության աղբյուր համարում է տառապանքն ու սերը. «Անոր կը պարտինք ամեն ինչ որ կայ մեր մեջ բարի, ամեն ինչ, որ զին կուտայ կեանքին...»⁵: Ազատ գործելու դեպքում մարդ ենթարկվում է միայն ինքն իրեն, անում է այն, ինչ ցանկանում է, առանց հաշվի առնելու ստեղծված դրդապատճառներն ու մոտիվները, որոնց միայն անազատություն են առաջ բերում: Այստեղ հասկանալի է դառնում Գ. Սոլիկյանի՝ եկեղեցին ամենաառաջին խորհրդատու համարելու միտքը, որը մերժում է քո կամքը և թելադրում իրենը, այսինքն, անազատություն է սերմանում:

Մոնիստական տեսության համաձայն մարդը լիովին չի կարող լինել ազատ կամ անազատ, առկա է թե մեկը, թե մյուսը, որովհետև ազատ է մարդը այն ժամանակ, երբ կամքի ուժը գերիշխում է կրքերի, զգայական ցանկությունների վրա: Իսկ մարդ չի կարող այդպես լինել, որովհետև, եթե նույնիսկ չեղվի արտաքին պարտադրանքից, նրա մեջ ձայն է բարձրանում խիղճ կոչվածը և ինչ-որ տեղ կանխում է ազատությունը:

Իսկ Շտայները բարդում է, որ եթե ուզում ես ազատ լինել ուրեմն «չպետք է թույլ տաս որ ճնշվի ազատությունը՝ այն ենթարկելով ընկալելի կամ ընկալումների համանմանությամբ մտածված ինչ-որ էակի հեղինակությանը կամ, վերջապես, վերացական ներքին ձայնին, որ մեկնում են իբրև «խիղճ»⁶»: Եվ հենց այստեղ է, որ կվերանա ազատության ու անհրաժեշտության հակասությունը, որովհետև մարդ կգործի իր սեփական ներքին բնությամբ: «Ազատս-միտ» մարդու մեջ չի կարող արձագանքել խիղճը: Եթե ինչ-որ տեղ էլ երևա այն, գործողը մշտապես փորձում է ճնշել, որպեսզի չհամճնվի, չտրվի ինչ-որ գաղափարի: Ըստ Բազենյանական տիպի այդ խիղճ կոչվածը ձևական տարր է,

⁵ Ա. Նրանս, Եպիկուրի պարտեզը, Փարիզ, 1901, էջ 10:

⁶ Ո. Շտայներ, Ազատության փիլիսոփայություն, Ե., 1938, էջ 121:

ինչպես առաքինությունը, բարությունը, ամոթը և այլ տարրեր: Չպետք է անտեսվի բարոյականը, քանի որ «անհայտը իր պատկերացումները իրագործելու համար նրա բարոյական երևակայությունը միջամտում է ընկալումների մի որոշակի ոլորտ»⁷, իսկ այդ ընկալումները չեն ստեղծվում, այլ վերափոխվում է համապատասխան դաստիարակության ու միջավայրի, որը պետք է ուղղված լինի «բարոյականության, սիրո ու համակրանքի լայն զարգացմանը դեպի մարդ-անհատ»:⁸

Երկրորդ տարբերակում գործ ունենք չարաստեղծ, ուրիշի զգացմունքների հետ խաղացող անձնավորության հետ: Այսպիսիք ջանում են բարձրացնել իրենց դիրքը, ոչնչացնել այն, ինչ խանգարում է դրան, և դրա համար պատրաստ են դրնել ցանկացած նսեմության: Մի՞թե Բազենյանք («Մահը») արարքները այդ չեն վկայում: Նա ոտնահարում է ընկերական, հայրենասիրական և ընդանհրապես ցանկացած զգացմունք՝ միմիայն ի թղիքը բարձրացնելու, բարեկեցիկ կյանք վարելու համար: Բազենյանին «հարգում են» բոլորը: Նա ամենուր ջերմությամբ ընդունվում է: Սիրով է հյուրընկալում նրան Մահյանը, շահում նրա սիրտը՝ օգտվելով նրա բարությունից, գռվում ինչքան հնարավոր է: Նույնիսկ հասցնում այն բանին, որ Մահյանը ինքն է իր ձեռքով նվիրատվություն անում՝ ներքին ծիծաղ առաջացնելով Բազենյանի մեջ, նաև յուր մեջ փառաբանելով հմայքը, որով կարողանում է խաբել մարդկանց: Նույն ստորությամբ է վարում Մարությանների ընտանիքի հետ: Իր հարուստ բառապաշարով ու կեղծ հայրենասիրական գաղափարներով, արժանանում է նրանց վստահությանը, արդյունքում առաջացնելով հուսալքություն ու ատելություն:

Շատ դժվար է մեռցնել նմանների եսասիրությունը, որը նրանց գոյության հիմքն է: Բազենյանական տիպին հատուկ է ուժեղ կամքը, «նրանց մեջ զարգացած է կյանքին հարմարվելու ընդունակությունը, ապրում են ոչ այքան իրենց համար, որքան հասարակության աչքում բարձր դիրք զրավելու նպատակով: Կասակածունքը չի մաշում այս մարդկանց, վստահ են իրենց ուժերի վրա և համարձակ»⁹:

Սուկրատեսի ըմբռնմամբ «ոչ ոք չար կամ բարի չի ծնվում, այլ միայն իր անգիտակցության պատճառով է դառնում այդպիսին, որի կամխմանը կնպաստի իմաստության, մտքի զարգացումը»¹⁰:

Իսկ Նար-Դոսը հակված է այն մտքին, որ բազենյանների չարագործությունն ու ոճրագործությունը՝ որպես խորը զարգացած մի հատկություն, չի կարելի կանխել, անհրաժեշտ է տարիներ, մի հեղաշրջում, որը կվերափոխի ու կջնջի նմանների դարը:

⁷ А. С. Шакир-Заде, Мыслители прошлого, М., 1963, с 133

⁸ Տ. Ասլուարտ Միլի, Ազատության մասին, Մոսկվա, 1898, էջ 15:

⁹ Ա. Տերտեղյան, Երկեր, Ե., 1980, էջ 111:

¹⁰ Ե. Ֆրանգյան, Սուկրատեսի բարոյագիտությունը, Թիֆլիս, 1913, էջ 32:

Որքան անցանկալի են նրանց գոյությունը, սակայն, բազում է դարձել այդպիսիներով ու նրանց պախարակելի գործունեությամբ: Ավելորդ է խոսել այդ տիպի մարդկանց նուրբ ու մաքուր զգացմունքների մասին: Նրանք, ովքեր հեշտությամբ են տրոհում մարդկային գեղեցիկ հատկանիշները, չպետք է փորձել նրանց մեջ տեսնելու վսեմը, գնահատելին, որովհետև ամեն ինչ կառուցված է բնազդայինի, անասնականի վրա: Թե Թուսյանին, և թե Բազենյանին խորթ է ազնվիրաբար սիրելու, նվիրվելու գաղափարը: Գուցե պատճառը դաստիարակությունն է, միայն ներկայով ապրելու գաղափարը, բոլոր դեպքերում զոհն մարդ պիտի զգա իր մեղսագործությունը: Թուսյանն անկեղծորեն խոստովանում է, որ չի գիտակցում իր սխալը և խնդրում ապացուցել, որպեսզի կարողանա զգալ իր մեղքը: «Եվ ահավասիկ հաստատում եմ աշխարհին ու ամենքին.- ես մեղավոր չեմ, ես մեղավոր չեմ... որովհետև ... աշխարհիս երեսին արդար ու մեղավոր չկա, չկա՝ քեզ ասում եմ, և մարդ ամեն բան, լավն էլ վատն էլ անում է բնության թելադրանքով»:

Նրանց ըմբռնմամբ «Ապագա չկա, որովհետև անհայտ է, իսկ ինչ որ անհայտ է, այդ մասին մտածելն ու հոգալը բեռականաբար հիմարություն է: Սահվան մասին մտածում են վախկոտները այսինքն նրանք, որոնք վստահություն չունեն իրենց ուժեր վրա»: Այստեղ հասկանալի է դառնում նրանց ներկայով ապրելու սկզբունքը և այն, որ քերականության միջից ցանկալի է ջնջել ապառնի ժամանակը, նաև անցյալը՝ չհիշելու իրենց հանցավոր արարքները:

Սեկ փաստ ևս, որ նրանք սիրելու ունակ չեն: Նույն խայտառակ դրության մեջ է ընկնում Բազենյանը, որի դիմակը պատռվում է, երբ «կրթված մարդը հանկարծ իջել էր միջև վայրենու աստիճանը, որով բանական արարածը զազան էր դարձել...», որից ավելի պետք է խուսափել, քան՝ զազանից: Որ նման հատկություններով օժտված մարդիկ սիրելու ընդունակությունից զուրկ են, Նար-Դոսը հաստատել է բազմիցս: Նրա ինքնագիր գրվածքներից մեկում՝ «Թափված թերթեր» հատվածում, հերոսը մի պահ որոշում է ամուսնանալ, բայց վերլուծելով իր սեփական զգացմունքները, համոզվում է, որ կա միայն կիրք, ցանկություն, որը առանց ընտանիք կազմելու էլ հմարավոր է բավարարել, իսկ ամուսնությունը ավելորդություն է ու գլխացավանք:

Այսինքն, հերոսի «բարոյական» հայացքների մեջ շեշտված է ինքնապահպանության ու եսասիրության մղումը, քանզի բանական-հեգեբանական բնությունը ստորադասվում է, որովհետև նա երկրորդական է համարում մի բան, որի վրա գեղազետ Նար-Դոսը փորձել է հիմնավորել իր գաղափարա-գեղագիտական պահանջը, այն է՝ ընտանիքը, բարոյականությունը, հավատարմությունը ու սերը, որոնք հիմք կարող են հանդիսանալ հանրության բարելավման ու բարգավաճման համար: